

唐詩別裁集

歸葉山房
石印

唐詩別裁集

卷之六

唐詩別裁集卷四

長洲沈德潛歸愚選

韓愈

字退之昌黎人三歲而孤兄會嫂鄭鞠之長擢進士第應官監察御史

准西奏愈行軍司馬准西平還刑部侍郎憲宗迎佛骨入禁內上表力諫帝怒將抵以死大臣皆為愈言乃順朝州刺史尋改袁州召拜國子祭酒轉兵部侍郎王廷禮部尚書諡曰文憲順逆利害當留其不盡昌黎詩不免好盡要之意歸于正規模宏潤骨格整頓原本雅頌而不規規於風人也品為大

為主系之以詩恐體例不合故祇錄元和聖德詩

元并序唐人四言絕少佳者不

元和聖德詩

臣愈頓首再拜言。臣伏見皇帝陛下即位以來。誅流姦臣。朝廷清明。無有欺蔽。外斬楊惠琳。劉闢。以收夏蜀。東定青徐。積年之叛。海內怖駭。不敢違越。郊天告廟。神靈歡喜。風雨晦明。無不從順。太平之期。適當今日。臣蒙被恩澤。日與羣臣序立紫宸殿下。親望穆穆之光。而其職業。又在以經籍教導國子。誠宜率先作歌詩。以稱道盛德。不可以詞語淺薄。不足以自效為解。輒依古作四言。元和聖德詩一篇。凡千有二十四字。指事實錄。具載明天子文武神聖。以警動百姓耳目。傳示無極。其詩曰。皇帝即阼。物無違拒。曰暘而暘。曰雨而雨。維是元年。有盜在夏。欲覆其州。以踵近武。

詔發兵討之。夏州兵馬使張承全斬惠琳傳首以獻。入本事。議哄士卒之詞。憲宗欲以恩撫之。命為劍南西川節度使。此豈可許命高崇文進討。謂不必四方之兵。惟荆南節度使裴均河東節度使嚴綬山南節度使嚴礪足。

皇帝曰嘻。豈不在我。負鄙為姦。縱則不可。出師征之。其衆十旅。軍其城下。告以禍福。腹敗枝披。不敢保聚。擲首陴外。降幡夜墜。疆外之險。莫過蜀土。韋皋去鎮。劉闢守後。血人子牙。不肯吐口。開庫啗士。曰隨所取。汝張汝弓。汝伐汝鼓。汝為表書。求我帥汝。事始上聞。在列咸怒。皇帝曰然。嗟遠士女。苟附而安。則且付與。讀命於庭。出節少府。朝發京師。夕至其部。闢喜謂黨。汝振而伍。蜀可全有。此不當受。萬牛鬻萬甕。行酒以錦纏股。以紅帕首。有恒其光。有餌其誘。其出穰穰。隊以萬數。遂劫東川。遂據城阻。皇帝曰嗟。其又可許。爰命崇文。分卒禁禦。有安其駟。無暴我野。日行三十。徐壁其右。闢黨聚謀。鹿頭是守。崇文奉詔。進退規矩。戰不貪殺。擒不濫數。四方節度。整兵頓馬。上章乞封。俟命起坐。皇帝曰嘻。無汝煩苦。荆并洎梁。在國門戶。出師三千。各選爾醜。四軍齊作。殷其如鼻。或拔其角。或脫其距。長駟洋洋。無有齟齬。八月壬午。闢棄城走。載妻與妾。包裹稚乳。是日崇文入處其宇。分散逐捕。搜原剔藪。闢窮見窘。無他自處。俯視大江。不見洲渚。遂自顛倒。若杵投臼。取之江中。枷鉅械手。婦女纍纍。啼哭拜叩。來獻闕下。以告廟社。周示城市。咸使觀覩。解脫鞶索。夾以砧斧。婉婉弱子。赤立偃僂。牽頭曳足。先斷腰膺。次及其徒。體骸撐柱。末乃取闢。駭汗如寫。揮刀紛紜。爭刳膾脯。優賞將吏。枿珪綴組。帛堆其家。粟塞其庾。哀憐陣沒。廩給孤寡。贈官封墓。周匝宏溥。

以誅之也一段危言其詞暢瀟鎮借以悚也此言一時藩鎮無不畏威懷德一段祭告天地祖宗順宗之官圓邱一段大赦施惠以下頌揚聖德

經戰伐地寬免租簿施令酬功急疾如火天地中間莫不順序幽恒青魏東盡海浦南至徐蔡區外雜虜怛威報德踧踖蹈舞掉棄兵革私習簋簠來請來覲千百其耦皇帝曰吁伯父叔舅各安爾位訓厥眡晦正月元日初見宗祖躬執百禮登降拜俯薦于新宮視瞻梁栢咸見容色淚落入俎侍祠之臣助我惻楚乃以上辛於郊用牡除于國南鱗筍毛簋廬幕周旋開揭磊砢獸盾騰拏圓壇帖妥天兵四羅旂常婀娜駕龍十二魚魚雅雅宵昇于邱奠璧獻掌衆樂驚作轟厯融冶紫焰噓呵高靈下墮羣星從坐錯落侈哆日君月妃煥赫嫋嫋瀆鬼濛鴻嶽祇業我飫沃羶薌產祥降瑕鳳皇應奏舒翼自拊赤鱗黃龍逶陀結糾卿士庶人黃童白叟踴躍歡呀失喜噎歐乾清坤夷境落褰舉帝車迴來日正當午幸丹鳳門大赦天下滌濯剋破磨滅瑕垢續功臣嗣拔賢任耆孩養無告仁滂施厚皇帝神聖通達今古聽聰視明一似堯禹生知法式動得理所天錫皇帝為天下主并包蓄養無異細鉅億載萬年敢有違者皇帝儉勤監濯陶瓦斤遣浮華好此綈紵敕戒四方侈則有咎天錫皇帝多參與泰無召水旱耗于雀鼠億載萬年有富無窶皇帝正直別白善否擅命而狂既翦既太盡逐羣姦靡有遺侶天錫皇帝龐臣碩輔博問遐觀以置左右億載萬年無敢予侮皇帝大孝慈祥悌友怡怡愉愉奉太皇后決于族親濡及九有天錫皇帝與天齊壽

頌繼以

唐詩別集

卷四

登茲太平。無怠永久。億載萬年。為父為母。博士臣愈。職是訓詁。作為歌詩。以配吉甫。

典重峭與體則二雅三頌辭則古賦秦碑盛唐中昌黎獨擅

秋懷詩二首

離離挂空悲。感感抱虛警。露泫秋樹高。蟲弔寒夜永。歛退就新懦。趨營悼前猛。歸愚識夷塗。汲古得修綆。名浮猶有恥。味薄真自幸。庶幾遺悔尤。即此是幽屏。此即今是昨非之言

連下章頌近謝公

今晨不成起。端坐盡日景。蟲鳴室幽幽。月吐窗回回。喪懷若迷方。念浮劇含梗。塵埃傭伺候。文字浪馳騁。尚須勉其頑。王事有朝請。前漢書吳王濞使人為秋請春曰朝秋曰請

擬

擬當世士。所憂在飢寒。但見賤者悲。不聞貴者歎。大賢事業異。遠抱非俗觀。報國心皎潔。念時涕沆瀾。妖姬坐左右。柔指發哀彈。酒肴雖日陳。感激寧為歡。秋陰欺白石。泥潦不少乾。河堤決東郡。老弱隨驚湍。天意固有屬。誰能詰其端。願辱太守薦。得充諫諍官。排雲叫闔闔。披腹呈琅玕。致君豈無術。自進誠獨難。時張建封居公于符建封奏為節度推官此猶未薦時詩故有望于太守之薦也

縣齋讀書

時寇聚
于恒王
承宗賢
固

出宰山水縣。讀書松桂林。蕭條捐末事。邂逅得初心。哀狹醒俗耳。清泉潔塵襟。詩成有共賦。酒熟無孤斟。青竹時默釣。白雲日幽尋。南方本多毒。北客恒懼侵。謫謫甘自守。滯留媿難任。投書類縞帶。佇食逾兼金。

應是令陽山時作末
二句似畬贈詩之客

送石處士赴河陽幕

名洪處士

長把種樹書。人云避世事。忽騎將軍馬。自號報恩子。風雲入壯懷。泉石別幽耳。鉅鹿師欲老。常山險猶恃。豈惟彼相憂。固是吾徒恥。去去事方急。酒行可以起。

即序中所云不告于

妻子不謀于朋友也中帶
諷意合看寄盧仝詩愈見

送河南李正字歸

正字名礎

長沙入楚深。洞庭值秋晚。人隨鴻雁少。江共蒹葭遠。歷歷余所經。悠悠子當返。孤遊懷耿介。旅宿夢婉婉。風土稍殊音。魚蝦日異飣。親交俱在此。誰與同息偃。

瀧吏

南行逾六旬。始下樂昌瀧。險惡不可狀。船石相春撞。往問瀧頭吏。潮州尚幾里。行當何時至。土風復何似。瀧吏垂手笑。官何問之愚。譬官居京邑。何由知東吳。東吳游宦鄉。官知自有由。潮州底處所。有罪乃竄流。儂幸無負犯。何由到而知。官今行自到。那

商君二十六篇
以仁義為
禮樂為
風官曰
六風成
俗兵必
大敗

二句分
上下景
狀下水涯

遽妄問為不虞卒見困。汗出媿且駭。吏曰聊戲官。儂嘗使往罷。嶺南大抵同。官去道
苦遠。下此三千里。有州始名潮。惡溪瘴毒聚。雷電常洶洶。鱷魚大于船。牙眼怖殺儂。
州南數十里。有海無天地。颶風有時作。掀簸真差事。聖人于天下。于物無不容。比聞
此州囚。亦有生還儂。官無嫌此州。固罪人所徙。官當明時來。事不待說委。官不自謹
慎。宜即引分往。胡為此水邊。神色久懷慌。瓶大瓶小。所任自有宜。官胡不自量。滿
溢以取斯。工農雖小人。事業各有守。不知官在朝。有益國家不得無。虱其間不武。亦
不文。仁義飾其躬。巧姦敗羣倫。叩頭謝吏言。始慙今更羞。歷官二十餘。國恩並未酬。
言吏之所訶。嗟實頗有之。不即金木誅。敢不識恩私。潮州雖云遠。雖惡不可過。于身
實已多。敢不持自賀。借吏言以規諷自朝亦自寬解也

岳陽樓別竇司直

從古樂府得來韓詩中以
原注竇庠時以武昌幕權岳州

洞庭九州間。厥大誰與讓。南匯羣崖水。北注河奔放。瀘為七百里。吞納各殊狀。自古
澄清不清環。混無歸向。炎風日搜擾。幽恠多允長。軒然大波起。宇宙隘而妨。巍我拔嵩
華。騰蹕較健壯。聲音一何宏。轟輅車萬兩。猶疑帝軒轅。張樂就空曠。蛟螭露筍簾。縞
練吹組帳。鬼神非人世。節奏頗跌踴。陽施見跨震。陰閉感悽愴。朝過宜春口。極北缺
堤障。夜纜巴陵州。鼓為纔可傍。星河盡涵泳。俯仰迷上下。餘纜怒不已。喧聒鳴甕盎。

也

本莊子

失却陶
公性所
不近也
卓見

明登岳陽樓。輝煥朝日亮。飛廉戢其威。清晏息纖纒。泓澄湛凝綠。物影巧相況。江豚
 時出戲。驚波忽蕩漾。時當冬之孟。隙竅縮寒漲。前臨指近岸。側坐渺難望。滌濯神魂
 醒。幽懷舒以暢。主人孩童舊。握手乍忻悵。憐我竄逐歸。相見得無恙。開筵交履舄。爛
 漫倒家釀。杯行無留停。高柱送清唱。中盤進橙栗。投擲傾脯醬。歡窮悲心生。婉孌不
 能忘。念昔始讀書。志欲干霸王。屠龍破千金。為藝亦云亢。愛才不擇行。觸事得纔謗。
 前年出官。由此禍最无妄。公卿採虛名。擢拜識天仗。姦猜畏彈射。斥逐恣欺誑。新恩
 移府庭。逼側廁諸將。吁嗟苦駕緩。但懼失宜當。追思南渡時。魚腹甘所葬。嚴程迫風
 帆。劈箭入高浪。顛況在須臾。忠鯁誰復諒。生還真可喜。克己自懲創。庶從今日後。麤
 識得與喪。事多改前好。趣有獲新尚。誓耕十畝田。不取萬乘相。細君知蠶織。稚子已
 能鉤。行當挂其冠。生死君一訪。

前二段陽開陰闔入賓司直後見忠直被謗
 而以追思南渡數語挽轉前半篇筆力矯然

薦士

周詩三百篇。雅麗理訓誥。曾經聖人手。議論安敢到。五言出漢時。蘇李首更號。東都
 漸瀾漫。派別百川導。建安能者七。卓犖變風操。逶迤抵晉宋。氣象日凋耗。中間數鮑
 謝。比近最清奧。齊梁及陳隋。衆作等蟬噪。搜春摘花卉。沿襲傷剽盜。國朝盛文章。子
 昂始高蹈。勃興得李杜。萬類困陵暴。後來相繼生。亦各臻閭奧。有窮者孟郊。受材實

二語昌黎自狀其詩

言去毫幾何謂鄭餘

歸登張建

知而不舉也

以下皆用此例

鳥伏卵曰抱水轉曰漕

即指穆天子見

雄鷺冥觀洞古今。象外逐幽好。橫空盤硬語。妥帖力排界。數柔肆紆餘。奮猛卷海濤。榮華肖天秀。捷疾逾響報。行身踐規矩。甘辱恥媚竈。孟軻分邪正。眸子看瞭眊。杳然粹而清。可以鎮浮躁。酸寒溧陽尉。五十幾何毫。孜孜營甘旨。辛苦久所冒。俗流知者誰。指注競嘲傲。聖皇索遺逸。耄士日登造。廟堂有賢相。愛遇均覆燾。况承歸與張。二公迭嗟悼。青冥送吹噓。強箭射魯縞。胡為久無成。使以歸期告。霜風破佳菊。嘉節迫吹帽。念將決馬去。感物增戀嫪。彼微水中荇。尚煩左右芼。魯侯國至小。廟鼎猶納部。幸當擇珉玉。寧有棄珪瑁。悠悠我之思。擾擾風中蠹。上言愧無路。日夜惟心禱。鶴翎不天生。變化在啄抱。通波非難圖。尺地易可漕。善善不汲汲。後時徒悔懊。救死具八珍。不如一簞藪。微詩公勿誚。愷涕神所勞。此篇孟東野于鄭餘慶也盛稱東野之詩謂可上承李杜東野不足以當而公愛才之心幾比於吐哺握髮矣

駕驥

駕駘誠齷齪。市者何其稠。力小可易制。價微良易酬。渴飲一斗水。飢食一束芻。嘶鳴當大路。志氣若有餘。騏驥生絕域。自矜無匹儔。牽驅入市門。行者不為留。借問價幾何。黃金比萬丘。借問行幾何。咫尺視九州。飢食玉山禾。渴飲醴泉流。問誰能為御。曠世不可求。惟昔穆天子。乘之極遐遊。王良執其轡。造父挾其輶。因言天外事。荒惚使

西王母
事猶淳
于鬚瀟
孟子意

言未見
其源

東坡所
云追逐
李杜者
于此見
之音氣與

人愁。驚駘謂驥餓死余爾羞有能必見用有德必見收孰云時與命通塞皆由
騏驎不敢言低徊但垂頭人皆劣騏驎共以驚駘優喟余獨興嘆才命不同謀寄詩
同心子為我商聲謳唐本有贈歐陽詹字詹集有答韓十八驚驎吟知此詩為
歐陽作也小才得志傲睨高賢古今一轍豈獨歐陽詹耶

調張籍

李杜文章在光焰萬丈長不知羣兒愚那用故謗傷虺蜥撼大樹可笑不自量伊我
生其後舉頸遙相望夜夢多見之畫思反微茫徒觀斧鑿痕不瞞治水航想當施手
時巨刃磨天揚垠崖劃崩豁乾坤擺雷礪惟此兩夫子家居率荒涼帝欲長吟哦故
遣起且僵翦翎送籠中使看百鳥翔平生千萬篇金薤垂琳琅仙官勅六丁雷電下
取將流落人間者太山一豪芒我願生兩翅捕逐出八荒精誠忽交通百恠入我腸
刺手拔鯨牙舉瓢酌天漿騰身跨汗漫不著織女襄顧語地上交經營無太忙乞君
飛霞珮與我高頡頏言生平願學者惟在李杜故夢寐見之更冀生羽翼以追逐之
見籍有志于古亦當以此為正宗無用岐趨也元微之尊杜而

抑李昌黎則李杜並尊各有見于古亦當以此為正宗無用岐趨也元微之尊杜而

柳宗元

羣兒愚指微則李杜並尊各有見于古亦當以此為正宗無用岐趨也元微之尊杜而
柳宗元字厚之魏道輔之有言未可援引
間以詩文自娛元和中授柳州刺史劉禹錫得播州宗元謂播州非人所易
居而夢得親在堂無母中俱往理如不往便為母子永訣願請于朝以柳人
播會大臣為柳州詩長於哀怨得騷之餘意東坡謂在韋蘇州上而王阮亭
以神事之○柳州詩長於哀怨得騷之餘意東坡謂在韋蘇州上而王阮亭

唐詩別裁集

卷四

謂不及蘇州各自成家兩存其說可也

初秋夜坐贈吳武陵

稍稍雨侵竹。翻翻鵲驚叢。美人隔湘浦。一夕生秋風。積霧杳難極。滄波浩無窮。相思豈云遠。即席莫與同。若人抱奇音。朱絃絀枯桐。清商激西顙。泛濫凌長空。自得本無作。天成諒非功。布聲闕大樸。聾俗何由聰。下半借琴以喻文才董庭蘭一輩人未能知也

風神
千古文章神境

晨詣超師院讀禪經

汲井漱寒齒。清心拂塵服。閒持貝葉書。步出東齋讀。真源了無取。妄跡世所逐。遺言冀可冥。繕性何由熟。道人庭宇靜。苔色連深竹。日出霧露餘。青松如膏沐。澹然離言說。悟悅心自足。

贈江華長老

老僧道機熟。默語心皆寂。去歲別春陵。沿流此投跡。室空無侍者。中屢唯挂壁。一飯不願餘。跣趺便終夕。風窗疎竹響。露井寒松滴。偶地即安居。滿庭芳草積。

南磻中題

即柳記中石磻

秋氣集南磻。獨遊亭午時。迴風一蕭瑟。林影久參差。始至若有得。稍深遂忘疲。羈禽響幽谷。寒藻舞淪漪。去國魂已遠。懷人淚空垂。孤生易為感。失路少所宜。索寞竟何

為學仕
宜亦如
是觀

事徘徊祇自知。誰為後來者。當與此心期。語語是獨遊。東坡謂柳儀曹南澗詩。憂中有樂。妙絕古今。得其旨矣。

與崔策登西山

鶴鳴。楚山靜。露白。秋江曉。連袂渡危橋。縈迴出林杪。西岑極遠目。毫末皆可了。重疊九疑高。微茫洞庭小。迴窮兩儀際。高出萬象表。馳景泛顏波。遙風遞寒篠。謫居安所習。稍厭從紛擾。生同胥靡遺。壽等彭鏗夭。蹇連困顛路。愚蒙怯幽眇。非令親愛疎。誰使心神悄。偶茲遁山水。得以觀魚鳥。吾子幸淹留。緩我愁腸繞。莊子胥靡登而不遺言。被罪之人。輕生身。

也。次語即齊物論意。

旦攜謝山人至愚池

新沐換輕幘。曉池風露清。自諧塵外意。況與幽人行。霞散衆山迴。天高數雁鳴。機心付當路。聊適羲皇情。

獨覺

覺來牕牖空。寥落雨聲曉。良遊怨遲暮。末事驚紛擾。問為經世心。古人誰盡了。

溪居

久為簪組束。幸此南畝謫。閒依農圃鄰。偶似山林客。曉耕翻露草。夜傍響溪石。來往不逢人。長歌楚天碧。愚溪諸詠處。連塞困厄之境。發清奇淡泊之青。不怨而怨。怨而不怨。行間言外。時或遇之。

唐詩別裁集 卷四
夏初雨後尋愚溪

悠悠雨初霽。獨繞清溪曲。引杖試荒泉。解帶圍新竹。沈吟亦何事。寂寞固所欲。幸此息營營。嘯歌靜炎燠。

首春逢耕者

南楚春候早。餘寒已滋榮。土膏釋原野。百藝競所營。綴景未及郊。穡人先耦耕。園林幽鳥轉。渚澤新泉清。農事誠素務。羈囚阻平生。故池想蕪沒。遺畝當榛荆。慕隱既有繫。圖功遂無成。聊從田父言。歎曲陳此情。眷然撫耒耜。回首煙雲橫。因逢耕者而念及田園之蕪穢

人心事不勝黯然

秋曉行南郭經荒村

杪秋霜露重。晨起行幽谷。黃葉覆溪橋。荒村惟古木。寒花久寂歷。幽泉微斷續。機心久已忘。何事驚麋鹿。

雨後曉行獨至愚溪北池

宿雲散洲渚。曉日明村塢。高樹臨春池。風驚夜來雨。予心適無事。偶此成賓主。

中夜起望西園值月上

覺來繁露墜。開戶臨西園。寒月上東嶺。泠泠疎竹根。石泉遠通響。山鳥時一喧。倚檻

遠謫後
有得言

逐至日。寂寞將何言。

湘岸移木芙蓉。植龍興精舍。

有美不自蔽。安能守孤根。盈盈湘西岸。秋至風露繁。麗影別寒水。穠芳委前軒。菱荷諒難雜。反此生高原。

禪堂

發地結菁莪。團團抱虛白。山花落幽戶。中有忘機客。涉有本非取。照空不待析。萬籟俱緣生。窅然喧中寂。心境本同如。鳥飛無遺跡。

苦竹橋

危橋屬幽徑。繚繞穿疎林。迸籜分苦節。輕筠抱虛心。俯瞰涓涓流。仰聆蕭蕭吟。差池下煙日。嘲啞鳴山禽。諒無要津用。棲息有餘陰。

田家三首

蓐食狗所務。驅牛向東阡。雞鳴村巷白。夜色歸墓田。札札耒耜聲。飛飛來鳥鳶。竭茲筋力事。持用窮歲年。盡輸助徭役。聊就空自眠。子孫日已長。世世還復然。籬落隔煙火。農談四鄰夕。庭際秋蟲鳴。疎麻方寂歷。蠶絲盡輸稅。機杼空倚壁。里胥夜經過。雞黍事筵席。各言官長峻。文字多督責。東鄰後租期。車轂陷泥澤。公門少推

里胥恐
赫田家
之言如
聞其聲

怒鞭朴恣狼籍。努力慎經營。肌膚真可惜。迎新在此歲。唯恐踵前跡。
古道饒蕪莽。繁迴古城曲。蓼花被隄岸。陂水寒更淥。是時收穫竟。落日多樵牧。風高
榆柳疎。霜重梨棗熟。行人迷去住。望鳥競棲宿。田翁笑相念。昏黑慎原陸。今年幸小
豐。無厭饘與粥。

掩役夫張進骸

生死悠悠爾。一氣聚散之。偶來紛喜怒。奄忽已復辭。為役孰賤辱。為貴非神奇。一朝
續息定。枯朽無妍媸。生時勤皂梃。剝秣不告疲。既死給櫬槨。葬之東山基。奈何值崩
湍。蕩折臨路垂。髑然暴百骸。散亂不復支。從者幸告予。睠之潛然悲。猶虎獲迎祭。犬
馬有蓋帷。佇立唁爾魂。豈復識此為。舂鍤載埋瘞。溝瀆護其危。我心得所安。不謂爾
有知。掩骼著春令。茲焉適其時。及物非吾輩。聊且顧爾私。

一朝續息定二語見貴賤賢愚古今同盡此達人之

言也我心得所安二語見求安
惻隱非以示恩此仁人之言也

韋道安

道安本儒士。頗擅弓劍名。二十遊太行。暮聞號哭聲。疾驅前致問。有叟垂華纓。言我
故刺史。失職還西京。偶為羣盜得。毫縷無餘贏。貨財足非慍。二女皆娉婷。蒼黃見驅
逐。誰識死與生。便當此殞命。休復事晨征。一聞激高義。肯裂肝膽橫。挂弓問所往。趨

捷超崢嶸。見盜寒碣陰。羅列方營爭。一矢斃酋帥。餘黨號且驚。麾令遞束縛。纏索相挂撐。彼姝久號魄。兩下俟誅刑。卻立不親授。諭以從父行。捃收自擔肩。轉道趨前程。夜發敲石火。山林如晝明。父子更抱持。涕血紛交零。頓首願歸貨。納女稱舅甥。長安奮衣去。義重利固輕。師婚古所病。合姓非用兵。竭來事儒術。十載所能逞。慷慨張徐州。朱郎揚前旌。投驅獲所願。前馬出玉城。轅門立奇士。淮水秋風生。君侯既即世。麾下相欹傾。立孤抗王命。鐘鼓四野鳴。橫潰非所壅。逆節非所嬰。舉頭自引刃。顧義誰顧形。烈士不忘死。死所死在忠。貞咄嗟狗權子。翕習猶趨榮。我歌非悼死。所悼時世情。

斃羣盜為勇士辭師婚為義士後顧義引刃又為忠貞之士矣非柳州表揚之道安幾于湮沒

孟

郊

字東野武康人年五十始成進士為深邨于刻削其實從真性情流出未可與島並論也而元遺山云東野窮愁死不休高天厚地一詩因母乃太過乎

列女操

梧桐相待老。鴛鴦會雙死。貞婦貴狗夫。捨生亦如此。波瀾誓不起。妾心古井水。

絕語新

遊子吟

慈母手中線。遊子身上衣。臨行密密縫。意恐遲遲歸。誰言寸草心。報得三春暉。